

PETRI LOTICHII
SECUNDI
***ELEGIARUM**
LIBER 2. EIUDEM
VENATOR

Petrus Secundus Lotichius

1069. 32

VII
LOTICH
1563

AT
PETRI LOTI-
CHII SECVNDI
ELEGIA RV M
LIBER II.



E IVSDEM VENATOR.



LVGDVNI,
APVD IOAN. TORNAESIVM.
M. D. LIII.



IO. DE SYLVA AD
LOTHICHIVM.

*Lotichi, si quid cupida sunt omina mentis
Non opus in tenebris corruct omne tuum.
Atq, aliquis spectans olim tua carmina, dicet:
Venator, vates, miles, amator eras.*

FR. ARTIFEX ATHENSIS.

*Lasciui, molles, teneri, simul atq, salaces,
Thespiadum procul hinc vos iubet ire chorus.
Est quibus est cordi Veneris contemnere luxus,
Atq, pharetrati spicula seu a dei,
Hos legitote Elegis, muti pietate refertos:
Casta placent sanctis pectora numinibus.
Dulce poema, fluens, medioq, Helicone petitur
Exhibet hic vates suaui loquente stylo.*

ERHARDVS STIBARVS

ERASMO NEVSTETER

EQVITI FRANCO

S. D.

*



A E P E soleo mihi ante oculos ponere
crebrisq; vsurpare sermonibus, Doctissi
me Erasme, suauē ingenij tui, morumq;
sanctimoniam atq; venustatem: quibus
tantam tu laudem apud omnes iam es
consecutus, vt seculo hoc perdito, & summa rerum
omnium perturbatione, multi in spem amplam ve
niant, excellentem virtutem tuam & industriam
Reipublicæ aliquando & bonis literis saluti & or
namento futuram esse. Hæc nos animi virtutisq; tuæ
recordatio frequentius, semper tamen mirabiliter
afficit, gloriæq; tuæ admiratio ita animo meo hæret
infixa, vt ea auelli nunquam possit. Mitto igitur ad
te Lotichij nostri Elegos, neq; ita multos vt pertime
scas, idq; eò facio libentius, quòd tu non minus opti
marum atrium & literarum, quàm & humanitatis
& comitatis laude excellis, nec à Poëtarum studijs
abhorres, quibus animi & ad virtutem erudiuntur,
& ad omnem alacritatem redduntur aptiores. Exta
bat hic maximus otij nostri fructus in hortis subur
banis, vbi crebrà æstate proxima, quoties se calor fre
gisset, apricationis causa conueniebamus, Carmi
num, eorum præcipuè quæ ad ingenij relaxationem

A 2 essent

essent accommodata, pronuntiatio: eramq; ego ibi
cum Lotichio ad multam diem sapissimè, & (vt Ca
tullus inquit de Licinio)

Scribens versiculos vterque nostrum

Ludebat numero modò hoc modò illo.

Hi nunc in manibus tuis sunt, quibus tu eò etiam fa
uebis amplius, quò magis hæc studia reconditis atq;
abditis è fontibus hauriuntur, & ab imperitorum
intelligentia sensuq; disiuncta sunt. Quòd si, vt spe
ro, feceris, dabo profectò operam, vt amor
noster, qui locorum distantia interruptus

hactenus fuit, apertioribus testimo

nijs in posterum elucescat. Va

le. in monte Pessulanò

Idibus Februarij,

Anno

M. D. LIII.

3

P. LOTICHII

SECUNDI ELEGIARVM

LIBER SECUNDVS.



Ad Mathiam Stoium Borussum.

ELEGIA I.

*Sume nouum, dixi, vatem cum matre Cupido,
Vror, & en gressus in tua castra fero.
Sic ego, cum tenero sic alma Cupidine mater,
Militiæ princeps tu mihi, coepit, eris.
Nec mora, littorea cinxit mea tempora Myrto,
Et leuiter ridens hæc, ait, arma geres.
Exoluit promissa Venus: feliciter arsi,
Inq; meo nullum crimen amore fuit.
Quinetiam voti compos noua carmina feci:
At citò lætitiæ nunc mihi finis adest.
Et meritò, quid enim frangens mea commoda fugi?
Vtilius fuerat non habuisse pedes.
Nunc & Amor grauius, quia signa reliquimus, vrit,
Et rapido longas vindicat igne vias.
Pollicitisq; fidem iubet addere mater Amoris,
Concutit & seuas, ne sit inulta, faces.
Nonnè fuit melius teneræ seruire puella*

Cernere quàm tumidi littus vtrumq; maris?
 Quid mihi cum pelago, mea si tellure morantur
 Gaudia? si puppis non vehit vna duos?
 Cœrula mutandis haud mercibus æquora sulco:
 Magnificas adeò non ego miror opes:
 Nec ratibus Zephyros opto, sed amantibus aptos:
 Quid mihi cum pelago si meus ignis abest?
 Parce tuo Vati (nam sum tuus) alma Dione,
 Si Dea scis Votis crimen abesse meis.
 Sancte puer, pueriq; parens, auertite curas,
 Digna parens puero, digne parente puer.
 Vos quoq; Nereides veteres extinguite flammæ,
 Si qua viret toto, quæ iuuat, herba mari.
 Vos sedate meos ponti quæ sternitis æstus:
 Credibile est mites æquoris esse Deas.
 Ipse tenens Cytharæ (si qua est ea gratia) dicam
 Tethyos amplexus Oceaniq; senis.
 Vosq; ministerijs fessos memorabo diurnis
 Axe sub Hesperio pascere Solis equos.
 Vana precor, surdum verbis obmurmurat æquor,
 Hei mihi, quàm longè quod peto littus abest!
 Torqueor, & cunctas violentius vrer in horas,
 Arida cœu calidis vratur Alga focis.
 Fœlix ante alios patriæ decus, optime stois,
 Et caput ærumnis sæpe fidele meis.
 Tu modò præsentis morbis in collibus herbas

Deligis

Deligis, & succos conficis inde suos.
 Et modo sylvestri meditaris arundine carmen
 Inter Hamadryadas lassus, & inter aues.
 Interea gelidis in vallibus aura susurrat,
 Lenit & ardores spiritus ille tuos.
 Fœlix qui molles trahis abditus arbore somnos,
 Irrigua ducit quos leue murmur aquæ.
 Me Venus incertis agit imperiosa procellis,
 Ut rapit instabiles æstus in alta rates.
 Hinc est, quod dulcis nec carpo dona iuuenta,
 Ex humili nec me carmine Musa leuat.
 Quin prius in numeros faciles quæ spontè fluebant,
 Vix possunt iustis verba coire modis.
 Non tamen indignor, merui quoq; fortè, sed angi
 Mon merui tantis, nec sine fine, malis.
 Non ego te mea lux, deceptam fraude reliqui:
 Artibus his mores abstinuere mei.
 Barbarus hoc ausit, cui non sua munera Phœbus,
 Nec dedit Aoniam Calliopæa lyram.
 Dij facite hæc pietas mihi prosit, & ultima passum
 Deferat in portus me Cytheræa suos.

Ad Dauidem Chytræum.

ELEGIA II.

Quæ legis, ad ripas Viadri Chytræe Secundus
 Tristibus hinc Elegis verba ferenda dedi:

AA Pignia

Pinguia qua Ligeris secatur arua rapacibus undis.
 Per caua spumosis saxa volutus aquis.
 Ecquod erit tempus vestris quo redditus oris,
 Aoniū tecum pars Heliconis agam?
 Quando erit exhaustos iuuet ut meminisse labores.
 Arbitrioq; dies continuare meo?
 Hæc ego, cum reditus agitare mentem fovebam
 Gaudia, successus non habitura suos.
 Nam subito nostris iterum contraria votis
 Horrida Menalio bella sub axe tument.
 Utq; ferunt, armis regio vastatur & igni.
 Pene mihi patrio gratior ora solo.
 Non patria est tantum primos ubi sumpsimus ortus:
 Sed quocunq; loco vivere dulce fuit.
 O ego quàm vellem, ne quis mihi nuntius esset,
 Extremas ultra Solis abire vias.
 Degere vel Lybicas ubi dissipat Auster arenas,
 Quàm non vlla meum fama sequatur iter.
 Hoc tamen est leuius, quàm damna videre suorum,
 Leniter ad sensus auribus hausta fluunt.
 Lumina conscelerent alij, qui sanguine gaudent.
 Duritiæ non est pectoris illa mei.
 Nouimus & gelidas ut tu superaueris Alpes,
 Multa forent oculis ne patienda tuis.
 Utq; procellosis toties patet Adria ventis,
 Viderit incertum penè salutis, agi.

Quid

Quid loquar ut veteres Armi percurreris vrbes?
 Quasq; secat Tybris, quas Anienis aqua?
 Hinc tua te geminas fortuna remisit ad Arclos
 Aonijs profers nunc vbi iura chori.
 Nam tibi (quod lator) raras in pectora dotes
 Contulit, & linguam Phœbus utramq; dedit.
 Oraq; si culto sermone diserta resoluis,
 Crediderim Musas hoc ego more loqui.
 O vtinam misero solatia dicere posses,
 Non adeò durum, quo premor, esset onus,
 Iam neq; me veterum mulcent præcepta virorum,
 Vlla nec in libris est medicina meis.
 Sæpe suburbanis (ut nunc quoq;) lentus in hortis
 Ambulo, flumineas qua liger audit aues.
 Aut spatijs pono varias equalibus herbas,
 Irrigua sulcum nec dare tædet aquæ.
 Diluit aut fesso sub amicta vitibus Ulmo
 Ex animo curas Bacchus, ab ore sitim.
 Paucaq; subiiciunt, illic mihi carmina Musa,
 Tempora dum leni sunt madefacta mero.
 Forsan & abruptos fando renouamus amores,
 Et quondam dulces flemus amicitias.
 His miser atq; alijs, tento lenire dolorem,
 Ille sed in medijs nescit abesse rosis.
 Tunc piget, ac mallet nullos tetigisse libeops,
 Cum subit in studijs nil opis esse meis.

*Me miserum quod non alio mihi tempore nasci
 Contigit, aut vita non breuiore frui.
 Nam mihi quid cœli iucundum cernere lumen
 Prodest? si grauior proxima quæq; dies?
 Pax ades, ô longumq; mane, pax optima rerum,
 Pace vigent vrbes, pacis alumnus Amor.
 Est locus vmbrosas vbi Cynthius educat Alnos,
 Et rapido nunquam Sole tepescit humus.
 Illic propter aquas è ramis arboris alta
 Suspendam rediens hanc tibi Phœbe lyram.
 Et duo rugoso crescent in cortice versus,
 Ut sciat hanc omnis ripa fuisse meam.
 Pace lyram facta posuit tibi Phœbe Secundus,
 Ille tuus Vates, muneris illatui est.
 Tunc deducta nouis mihi carmina fontibus ibunt,
 Forsan & à nullo vate secundus ero.
 Non ego deletas acies, non aspera dicam
 Prælia, res oris non erit illa mei.
 Rura colam, teq; alme pater, qui bella coërces,
 Te labente die, te veniente canam.
 Interea dum fata negant Chytræe recursum
 Pectore vos memori semper habebø, Vale.*

Ad Ioannem Sambucum Pannonium.

ELEGIA III.

Ibimus æquoreis sine te Sambuce per undas.

Sit

Sit precor ad longas utilis hora vias.
 Tu repetis primos Araris, quos vidimus, ortus,
 Et patriæ gelido rura sub axe tuæ.
 Noster & à Ligeris tecum procul amne recedit,
 Indigus, ah, medicæ nunc Apianus opis.
 Vade, nec immixti correptum febre sodalem
 Desere, iucundum te duce fiet iter.
 Diuidimur, sic fata iubent, valeatis amici,
 Hei mihi, quòd toties hoc ego dico, Vale.
 Non ego vos properans lætanti mente relinquam,
 Moribus hæc feritas absit abestq; meis.
 Flebo ego discedens, & vos amplectar euntes,
 Et querar absenti nil fore dulce mihi.
 Gratus enim longæ mihi consuetudinis usus,
 Quicquid in hoc nobis incidit orbe, fuit.
 Scilicet in vestro geniales pectore Musæ
 Effigiem moris constituere sui.
 Hinc amor & simplex probitas, hinc copia fandi
 Tinctaq; Cecropio carmina melle fluunt.
 Non pariter latum sulcabimus amplius æquor,
 Prora fatigatis non dabit una thorum.
 Nec simul à nautis portus scitabimus aptos
 Et quæ noctis iter sidera, uela regant.
 Vos quoq; suprema nunc forsitan alloquor hora,
 O utinam memores situs uterq; mei.
 Ipse pruinosa iuga seu calcabo Pyrenes,

Sine tuo lassus gurgite Vare bibam:
 Sen quocunq; truci caput hoc feret impetus vnda:
 Semper inoblita vos pietate colam.

Fælix qui laribus contentus viuit anitis:
 Fælix ô nimium cui sua terra sat est.

Ille satur tacitis & inambitosus in hortis
 Degit, ubi proanis res fuit ante suis.

Certè ego, si sinerent mea fata, quiescere vellem,
 Nec toties longas quolibet ire vias.

Certè ego sic agerem molles inglorius annos,
 Nec mihi solstitium, nec grauis esset hyems.

Vtile quid iuuenes errando perdimus æuum?
 Nemo tamen curas effugit ipse suas.

Adde tot exhaustos multis sine honore labores,
 Quorum culpata est, nec mernere, fides.

Interea subrepat iners & inutilis ætas
 Inq; alias tacitè mors vocat atra vias.

Sic vates vmbriis crudelibus occubat Altus:
 Sic Rosa, flos æni nuper uterq; sui.

Alte tuos cineres (quicunq; est) alluit Arnus,
 Pæonia celsis occidit ille iugis.

Nec iuuat ingenium doctas formasse per artes,
 Fonte nec Aonio deposuisse sitim.

Concordes animæ, regeret dum spiritus artus,
 Natalis cuperem vos tenuisset humus.

Quis dedit ignotis tumulos, quis lumina texit?

Quis

Quis scit, an hæc fati nos quoq; iura manent?
 Quandocunq; volent, superis parere necesse est:
 Terra sepultura qualibet apta meæ.
 Nulla mihi est, nostro quæ ploret funere, coniux,
 Et pia, si moriar, non erit orba parens.
 Ad mea sed quando venietis busta sodales,
 Qua procul occiduo littora Sole tepent:
 Este mei longum memores, requiemq; precati,
 Spargite pallentes ante sepulcra rosas.
 Et facite, ut cineri Lotos mea præbeat umbram
 Carmen & in viridi cortice tale gerat:
 Immiti Vates consumptus morte Secundus
 Hic situs est: dicta pace, Viator eas.

Ad Ioachimum Camerarium
 Pabergensem,

ELEGIA III.

Si vacat arcanis aures præbere querelis.
 Nec data per lævas omina spernis aues:
 Accipe quæ primis Ioachime cadentibus astris,
 Accipe quæ uidi cum fuit orta dies.
 Nox erat, & placidos spargebant sydera somnos,
 Quos leuis æria deuexit aura via.
 Plaustraq; Menaliæ dum custos flecteret vrsa,
 Somnia sunt curas hæc imitata meas.
 Flumen erat, dubito fuerit num Rhenus an Ister,
 Spumi

Spumifer aut Albis, sed reor Albis erat,
 Stabat arenoso vetus vrbs in margine ripæ,
 Omne cruentato milite cincta latus.
 Castrâq; spectabat virgo de mœnibus altis.
 Fallor, an in laevaserta fuere manu?
 Flebat, & inuitis miscebat fletibus iram,
 Turrigero longas vertice scissa comas.
 Ergo fremens, quis me manet exitus, inquit? an ultra
 Sors mea, quo tandem progrediatur, habet?
 En ego quam foui tot lustra fideliter urbem,
 Nobile cui de me nomen habere dedi,
 Efferus ex imis euertere sedibus hostis
 Nititur, & venia ius superesse negat.
 Hic pietatis honos ea libertatis amata
 Gratia? quid fieret si scelus orsa forem?
 Profit & excuset, quod sum mihi conscia recti,
 Et caput in patriæ nulla quod arma tuli.
 Sed prodesse parum est: labes tunc prima malorum
 Hoc miseræ (verum si profitemur) obest.
 Mœnia debueram natalia prodere, texi:
 Fida nec innocuis ciuibus esse, fui.
 At decus hinc nostræ quondam meruere puella,
 Ad quas & populi summa relata sui:
 Vindicibus merces iam nulla rependitur armis,
 Cùm tulerit alia præmia plector ego.
 Quid faciam? qua spe nitar? quo lumina flectam?

Vnde

Vnde petam lassis anxia rebus opem?
 Non mea connubijs operatur in vrbe iuuentus,
 Pace bona casti gaudet Amoris opus.
 Squalida uastatis apparent frugibus arua:
 Hostis ab agricola non sinit arua coli.
 Nec lego purpureos inserta recentia flores:
 Non mihi flos pratis mollibus ullus hiat.
 Funera bis vidi campis indigna meorum,
 Damna bis aduerso tristitia Marte tuli.
 Hei mihi, qualis erit (quod abominor) exitus vrbis,
 Concidet hostili si reserata manu?
 Quis tenerum pauida latus hauriet ense puella?
 Virginitas cuius praeda latronis erit?
 Hec, oculi quaecunq; uident, cinis omnia fient.
 Vtraq; dicetur flebile ripa solum.
 Ergo dies veniet, qua mœnia nulla tuebor,
 Paruaq; restabit nominis umbra mei.
 Quaq; fuit murus, terram proscindet arator,
 Vrbsq; sub his, dicet, collibus alta fuit.
 Quid grauius victore Geta miserranda tulissem
 Cesare quam magno bella gerente fero?
 Atq; utinam saui potius mea viscera Thraces,
 Persaq; & extremus dilaceraret Arabs.
 Hoc tamen infœlix casus solares acerbos:
 Vulnera cognata sunt grauiora manus.
 Maiorum tumulos, sacrasq; Tuistonis umbras

Testor,

Testor, & hoc tacito sydera fixa polo,
 Me seruasse fidem : si mentior, vltima nunquam
 Quæ patiant tantis hora sit vlla malis.
 Et tamen vt furijs iurgit atrocibus hostis?
 Si lubet in cineres sauiat ille meos.
 Herbifera valles, gelidiq; in vallibus amnes,
 Quicquid & in terris dulce relinquo, Vale.
 Este mei memores ripæ, Nymphæq; sorores,
 Longa mea in vestris regna fuere locis.
 Plura querebatur, nostro sed protinus omnis
 Corpore defluxit somnus, & orta dies.
 Mœstus, & obscuræ turbatus imagine noctis
 Sub matutini lumina Solis eram.
 Montis inaccesi radicibus adiacet imis
 Lucus, vbi variæ consociantur aues.
 Est sacer arbutis, vastisq; recessibus horror,
 Per medium rauce voluitur amnis aquæ.
 Hic trepida speciem repetens in valle quietis
 Ergo quod (aiebam) somnia pondus habent?
 Cur nimium memini ? verisq; simillima vidi?
 Languidus Aurora cur oriente fui?
 Dum queror, & varijs turbatus obambulo curis,
 Mobilis arboreas impulit aura comas.
 Ecce quatit rapidis Iouis armiger aëra pennis
 Albus & incuruis vnguibus hæret Olor.
 Nulla fuga est capto : spectantq; silentq; volucres,
Aspera

Aspera dum fulvæ præpetis arma timent.
At vigil, Auroram qui cantibus evocat, ales
Audet, ab ærijs obuius ire iugis.
Tunc volucer sævas exercitus undiq; pugnæ
Suscitat, alarum plausibus antra fremunt.
Interea remouent subeuntia nubila Solem
Præfagiq; micat fulminis igne polus.
Terreor, & vanos reor hæc quoq; fingere somnos,
Sed patula uigilans ilice nixus eram.
Mox pauca redeunt, & ouantes Sole reducto,
Paulatim molli pace fruuntur aues.
Et niue candidior, veluti iam fata vocarent,
Fundit Olor dulces ad vada nota sonos.
Protinus exclamo, superi mea visa secudent:
Inq; Notos, quicquid triste minantur, eat.
Nec minus indigenis voceo sua munera Nymphis,
Et palmis haustas libo duabus aquas.
Hæc tibi, qui causas aperis Ioachime latentes,
Carminibus volui non reticere meis.
Plura quidem vidi, sed quæ celanda putavi:
Valle sub arcana cætera quercus habet.

Ad Ioannem Hagium Francum.

ELEGIA V.

Scribis, longa meos nunquid via temperet ignes,
Aut quid adhuc sæui miles Amoris agam?

B

Absen

*Absentemq; refers consumi tabe puellam,
Multaq; fortuna de leuitate queri.
Protinus, ut legi, calefacta per ora cucurrit,
Sparsit & attonitas flamma rubore genas.
Sunt etiam lachrymae (nec turpe putabis) obortae:
Admonitu Domina cor mihi molle fuit.
Non quisquam meliore fide (tu testis) amauit,
Cum noua me Veneris misit in arma puer.
Tunc ego regnabam, nec me faelicior alter
Gessit militia signa Cupido tuae.
Tunc primum dulcis praconia noscere fama,
Et coepi teneris velle placere modis.
Utq; silet maris unda, maris cum sternitur unda:
Sic ego tranquillus, sic ego letus eram.
Nulla mihi vasti restare pericula Ponti
Fingebam, nullas iam superesse vias.
Sic audus praelusit Amor, mox omnia vertit,
Longaq; post actum ver breue, coepit hyems.
Nam pudor à cupida cum cederet ore puellae,
Nec caperet fastus amplius illa suos:
Immemor ipsa mei, quo spes minor, acrius arsi,
Spumens in breuibus ceu furit aestus aquis.
Quis mihi non illo solatia tempore dixit?
Quis graue sub Brumam non miseratus iter?
Cum tu praecipue de mille sodalibus Hagi
Fletibus aerumnas prosequerere meas.*

Præda

*Præda recens(memini) licet ipse Cupidinis esses,
Et similis toto pallor in ore foret,
Vulnera lenibas tamen infœlicis amici,
Et mihi dicebas : i modo, sanus eris.
Quid tamen hybernis pulsas Aquilonibus Alpes,
Profuit, & rupes scandere Iura tuas?
Me Rhodanus velox, me clementissimus amnis
Ceruleo lassum gurgite vexit Arar.
Vidi spumiferis ubi Sequana fontibus exit,
Vidi qua tumidas in freta voluit aquas.
Est tamen indefessus Amor, nec inhospita curat
Saxa, nec irati murmura sæua maris.
Quid querar infœlix? Tua molliter ossa quiescant,
Alte sub Hetruscis nuper humate iugis.
Tu mihi per casus omnes, dum fata sinebant,
E celo missus dulce leuamen eras.
Ergo ego te nunquam miseris deflere querelis
Cessabo, donec me premat atra dies.
Nunc simul à Domina, charisq; remotus amicis,
Ut vaga Nimbofo turbine pinus, agor.
Ante meos oculos, quæcunq; reliquimus, hærent,
Et quæcunq; animo grata fuere meo.
Sic mea lux patrios me sæpe uocauit in hortos
Sic lachrymans flammæ est mihi fassa suas.
Sic gemuit, sic culta fuit, sic oscula iunxit,
In viridi mecum sic requieuit humo.*

Sic ego triste Vale, sic verba^R ouissima dixi,
 Vltima sic posito nox vigilata mero.
 Hæc mihi cùm subeunt, qui penè resederat ignis
 Crescit, & admonitu robora sumit Amor,
 Sed tamen aut fallor, positis aut tempore curis
 Quod mihi promissit vox tua, sanus ero.
 Vuat, & abrupti causam sciat illa coloris,
 Non reuocant lapsos irrita vota dies.
 Iam nihil est totum quod amauimus, omnia mecum,
 Dū quoniam magni sic voluere, tuli.
 Quod superest, melius ver exigat utilis aui.
 Vuat, & ardoris sit modus illa mei.
 At tibi, qui mecum longo coniungeris usu,
 Dulcia coniugij vincula nectat Hymen.
 Quæq; iuuentutis sunt præmia puriter actæ,
 Ante tuos videas pignora certa pedes.
 Me doctis animum iuuat emendare libellis,
 Candidior forsân proximus annus erit,

Ad Montem pessulanum, cum eam urbem stu-
 diorum gratia cum Scibaris inuiseret.

ELEGIA VI.

Hospes in hanc venio, paucis comitantibus, urbem,
 Este salutati Dūq; Deaq; loci.
 Vos mihi fecundi montes, agriq; salubres
 Vtiliter vise vos mihi sitis aquæ.

Si

*Si quis & hîc nouit nomen patriæq; meumq;
Mansuetam fesso porrigat ille manum.
Tarda quod insolito moneo vestigia passu,
Huc procul à Ligeris fecimus amne viam.
Quod niger in facie color est, Sol ora perussit:
Quod sedet in reliquo corpore pallor, amo.
Cincta quod Aonia non sunt mea tempora lauro,
Non ego Castalio fonte poëma bibi.
Sit mihi fas celebres ab Apolline scandere colles,
Sit mihi fas sacro ponere monte pedem.
O mihi qui monstret cultus habitusq; locorum,
Atq; aliquid miri si nouus orbis habet.
Sic ego, sic vnus, veteris non inscius æui,
Certior hinc (nam te nouimus inquit) eris.
Hîc tenet à Volcis nomen lacus, herbifer illic
Setius aërys mons petit astra iugis.
Hîc coetus hominum Delphines adire solebant,
Inter & errantes ludere sæpe rates:
Hîc egere vagos nautis in retia pisces,
Ad uada cum lato prosiliere mari.
Inde petens leuam fuit hæc solidissima tellus
Nunc sinus, hæc Marius littora fodit, ait.
Talia, me ducens per singula, retulit vnus:
Retulit & mores gentis, & urbis opes.
Grande via pretium, nec pœnitet aëris æstus
Nec toties mistos imbre tulisse Notos.*

Ipse recedentes (quis posset credere?) Phœbus
 Iam caput Aemonij per senis, urget equos.
 Arua tamen placidi fouet hîc clementia cœli,
 Blandaq; ceu primi tempora veris eunt.
 Gramina nec campis desunt, nec montibus vmbra,
 Estq; ferax herbis, arboribusq; solum.
 Hîc oleæ pingues, & amenis ficus in hortis,
 Surgit, & Idaliæ Myrtus amata Deæ.
 Et pretium doctis quorum meruere labores
 Vatibus, & baccis laurus amicta suis.
 Albaq; Morus adest, nec habet monumenta cruoris
 Siue tui Thysbe, Pyrame siue tui,
 Malaq; proueniunt benè olentibus aurea ramis,
 Mala vel hybernis mensibus apta legi.
 Quæq; maris rubri puras imitantia gemmas
 Lucida pallenti cortice grana tegunt.
 Nec virides desunt victorum premia palma,
 Nec tilia molles, Heliadumq; nemus.
 Te tamen in primis referam dulcissima Lothos,
 Carmina tu succis imbue nostra tuis.
 Quàm iuuat hos circum frondoso vertice colles
 Visere, & intacto cingere flore comam?
 Rosmaris & spicæ passim redolentis arista,
 Et Thyma Iunipero cum bicolore virent.
 Grataq; se vertens ad euntis lumina solis.
 Vnde sui causam nominis herba tulit.

Quæ

Quæq; licet riuus gaudens aspergine nulla
Vda fit, aut pluuijs tacta madescit aquis.
Nec minus in medio quam strachades equore gignūt,
Et quæ iuncosum plurima littus amant.
Nec ferrugineus tyrioue simillimus Ostro
Flostener, Oebalio sanguine tinctus, abest.
Nec croceum cingens Narcissus floribus albis,
Atq; suo pulcher natus Adonis auo.
Quæq; aliæ (nec enim cunctas nunc persequar) herba
Nomina non Elegis mollibus apta gerunt.
Adde maris pisces, & quo vos carmine dicam
Aemula Gnosiaco dulcia vina mero?
Te quoq; Læde canam, tacitis qui leniter undis,
Diuidis hanc, nulla vortice tortus, humum.
Te Driades Nymphaeq; colunt, assuetaq; ripis
Multa suo flunium gutture mulcet auis.
Hic igitur suauis captare iuuabit odores,
Purpureo violas hic ego vere legam.
His ego vitabo rapidos in collibus æstus,
Terra sua æstiuum dum sitit vsta canem.
Salue diues opum regio, tua solis ab ortu
Littus ad Hesperium gloria quærit iter.
Vrbs salue, cuius nomen sinus vltimus orbis
Audit, & exoriens occiduusq; dies.
Te propter tantos libuit perferre labores,
Tu requies curis vna futura meis.

Ad Gregorium Schetum Medicum.

ELEGIA VII.

Schete meus natalis adest : foelicibus opto

Auspicijs, seruent hunc mihi fata diem.

Hoc ego vitales hausi vaginibus auras,

Primaq; stirps sexu de meliore fui.

Nec tantum rosei pulchras in luminis oras

Contigit hac primum tollere luce caput:

Abluere antiqua mala sed contagia culpa,

Inq; salutiferis sumere nomen aquis.

Cingite Pierides viridi mea tempora Myrtho,

Aut maris ornatas rore ligate comas.

Lapsaq; sub terras (nam vos meministis) & orta

Tempore natalis signa referte mei.

Flaua pratinosas Aurora fugauerat umbras,

Enixa est utero cum pia mater onus.

Scorpius Eoo ducebat ab orbe recentes,

Purpuream scandens æthera, solis equos.

Et matutinos Cyllenius ante iugales.

Vtile carpebat, Pleiade natus, iter.

His comes e pelagi surgens natalibus undis

Alma capistratas Cypris agebat aues.

Post hanc Phyllirides iaculis armatus & arcu,

Et cœli Aegoceros qui iacet ante fores.

Et puer Iliades, & amantes flumina Pisces

E qui

E quibus hic Boreæ proximus, ille Noto.
 Fulua sequebatur, Phryxum Phryxiq; sororem
 Per mare quæ nitido vellere gessit ouis.
 Torna laboriferi gradiens per cornua Tauri
 Falcifer occiduo stabat in orbe senex.
 Hinc cum fratre pio fœlix concordia pollux
 Ibat, ubi sedes mors habet atra suas.
 Iupiter Herculei lustrabat terga leonis,
 Iupiter in summo, latus honore, polo.
 Marte premebatur, quæ noctibus efficit aquas
 Libra dies, Paphie cognita Libra Dea.
 Sic vaga per cœlum dijs astra volentibus ibant,
 Dulcia quæ vitæ munera luce tuli.
 Protinus infantem mansuetis Phœbus in vlmis
 Fovit, & Aonidum, dixit, alumnus eris.
 Frondentiq; torum cinxerunt Baccare Musæ,
 Cederet ut cunis noxa repulsa meis.
 Ipsa sed arcani scrutata volumina cœli
 Vranie tales edidit ore sonos.
 Salve parve puer, minus infœlicibus annis
 Dignè puer nasci, non meliore die.
 Non tibi fœlicem vitam, non fata negarent,
 Pocula castalie (sydera testor) aquæ.
 Sed malè tunc sacros tractabunt secula Vates,
 Vatibus ereptas miles habebit opes.
 Tuq; peregrini longis in tractibus orbis.

*Multa feres belli tædia, multa vie.
Ingratosq; hominum mores, casusq; tuorum
Et sterilem frustra sæpe querere fidem.
Non tamen ambitio, nec amor te franget habendi,
Vna sed imponet dulce puella iugum.
Nec tibi difficilis Saturni stella nocebit,
Ipse, minax quamuis, Mars quoq; mitis erit.
Parce queri, vinctes: sed erit mora longa laboris:
Moribus & fati cætera mando tuis.
Hactenus, & gemuit, sacrasq; Heliconis ad vndas
Rettulit, his ætis, turba nouena pedem.
Dicamus bona verba, Deus regit astra, feruntur
Illius arbitrio, sydera, terra, fretum.
Illum supplicibus verbis venerabor, ab illo
Et decus & probitas ingeniumq; venit.
Vinamus, dum fata sinunt, & amicus amici:
Quis scit an hæc vnquam sit reditura dies?
Ipse nouos Genius ludens ad pocula cantus
Audiat, & multo nox eat æta mero.
His Genius contentus erit, non hîc mihi frater,
Non soror est festas quæ paret ipsa dapes.
Nec genitrix nato quæ sospite munera soluat:
Dij faciant reditu gaudeat illa meo.
Da mihi vina puer lenes facientia somnos,
Donec in Oceanum sydera prona cadant.
Optime natalis salue, multosq; per annos*

Lucæ

Luce bona felix & venerandus eas.

Ad Deos Maris in funere Delphini.

ELEGIA VIII.

Dij maris, et virides, quas sunt penes aquora, Nymphae

Ad bibulum madidis littus adeste genus.

Ille decus pelagi, vestro sub numine, Delphin,

Ceruleas subita morte reliquit aquas.

Et nunc (ecce) iacet refluis inhumatus arenis,

Vix dedit eiecto funeris Alga locum.

Quid benefacta iuvant? quid, non rationis egentem

Esse? quid equoreos non violare Deos?

Num minus exanimem versant in littore fluctus?

Saua q; turbati verberat vnda maris?

Non senior potuit Nereus, non optima Tethys

Ferre nec Oceanus, quam meruisset, opem.

Viuat atrox Xiphias, ducitq; per aquora sulcos.

Ille tamen curuas mergit in ima rates.

Viuit & Echnais, medio quam nauita ponto

Sæpe stupet totis classibus esse moram.

Occidit innocuus tumidarum rector aquarum:

Optima cum pereant deteriora manent.

Non iterum vitreas exercens lucibus vndas

Transiliet rapido carbasa tensa Noto.

Nec calidos vitans aestiui syderis ortus

Conscia delitijs incolet antra suis.

Nec

Nec dulces natos, veteresq; reuifet amores.

Flebile nempe iaces magne natator onus.

Hoc tamen infœlix mortem solabere, quod te

In solida positum vita reliquit humo.

Non tua diripient sub gurgite viscera pisces,

Herentem scopulis non fera tundet hyems.

Te quoq; credibile est ausum sperare sepulchrum,

Liqueris æquoreas cum moriturus aquas.

Sit, quodcunq; volet: sub adesti vertice montis

Hic ego te manibus contumulabo meis.

Prosit adhuc, vastas olim Delphina per undas

Lesbida cum sacro vate tulisse lyram.

Sape dabunt gemitus volucres ad busta marine,

Et tibi certa Tethys Nereïdesq; ferent.

Quiq; rigat iuxta factum de cautibus antrum,

Grata quies vmbra fons erit iste tue.

Sapius ingrediens antiquos nauita portus,

Hauriet hinc dulces, te veneratus, aquas.

Sine tamen gelida mulcent te littoris aure,

Atq; sub his gaudes nunc habitare iugis:

Seu colis Eridani ripas, sine vortice cuius

Lenta per Elysium uoluitur vnda nemus.

In gremio, Delphin, recuba telluris amata

Molliter, & cineres sepe reuife tuos.

Ad

Ad Ioannem Stigelium, Poëtam.

ELEGIA IX.

Sydera conuexo dum tu labentia cœlo
Scribis, & in populo sacra diesq; tuo.
Nos procul ignotis Stigeli degimus oris
Ad maris occiduas non refluentis aquas.
Et modò Massiliæ portus miramur, & altas
Puppibus antiquum stœchadas hospitium.
Phœaicosq; sinus, & qui latissima sulcat
Ærui, Pyrenæis montibus ortus, Atax.
Quòd mihi si faciles præberet Cynthius aures,
Ingenioq; forent mollia fata meo:
Non ego sacrorum morem, causasq; referrem,
Sydera nec Phœbi per duodena viam.
Nec canerem numeris ciuilia grandibus arma:
Omnis in imbelli Carmine nostra mora est.
Sed varias gentes, sed nomina prisca locorum,
Hoc aptum nostris viribus esset opus.
Non mihi Castalias Phœbi chorus exhibet undas:
Finge sed antiquis Vatis esse parem.
Scilicet in tanto miserarum turbine rerum,
Ille sacer Vates ingeniosus ero?
Non tamen hîc cui penitus monumenta prioris
Transierim, ripis Garde propinqua tuis.
Garde pater bibule stagnans sulcator arene,
Qui tacitè per agis lene vadus iter.

Illorum Deus ora mouet, terrisq; relictis
 Per liquidum cœli nube vehuntur, iter.
 Nos dolor instabilesq; vices, seriesq; malorum
 Ingenium tenebris exonerare vetant:
 Excidio egregias bis deformauimus vrbes,
 Seruitum magnos vidimus ire Duces.
 Exulat ignotis princeps Fridericus in oris
 Vtilior patriæ quàm fuit ipse sibi.
 Necdum finis adest, restant fera prœlia, restant:
 Terra parum est, veniunt per freta mille rates.
 Hic quoque, cui fuerat commissa potentia rerum,
 (O pudor) externas Rhœnus adorât opes.
 Quanta secuturis tempestas imminet annis?
 Iam mihi cum Phœbo Calliopœa, Vale.
 Tempus in vmbrosis tu, cui licet, exige syluis,
 Quâ tibi pelignas porrigit Ilmus aquas.
 Incœptoq; operis sacri decurre labores:
 Non erit ingenij fama sepulta tui.
 Me fati (sint dura licet) parere necesse est:
 Arbitrio quoniam non licet esse meo.

Ad Renatum Henerum Medicum.

ELEGIA X.

Quid mihi vobiscum est, inconstans turba, puellæ?
 Improbe iam fesso quid mihi fiet Amor?
 Scilicet æternum si non ego vulnus haberem,

Impe

Imperij fierent iura minora tui?
Parce precor sauo liquefactis igne medullis,
Nuda quid immites condis in ossa faces?
Sic ego saepe laues infœlix alloquor auras:
Irrita sed nubes verba Renate ferunt.
Parrhasiæ (memini) sub sydere virginis arsi,
Multaq; quod vellem posse negare, tuli.
Forsan & hyberno cinis ater in orbe iacerem,
At citò sum longas inssus inire vias.
Littus ad hesperium veni, Dominamq; reliqui,
Dum feror hûc illûc tertia currit hyems.
Omnia, quæ possunt flammæ extinguere, feci:
Queris profuerim quid mihi? peius amo.
Illæ meis oculis, quamuis procul absit, inhæret,
Nec memorem Phœbi nec finit esse mei.
Iamq; sub hoc ipso terrarum fine, reperta est
Vna recens nobis (ecce) puella malum.
Hæc est, quam toties laudare soletis amici,
Dum niueum choreis fert tunicata pedem.
Nec quia formosa est capior, sed imagine tangor,
Nec quod amo video, cogor amare tamen.
Namq; (fatebor enim) gelida mea vita sub Arcto
Huic similes vultus, si modo viuit, habet.
Sic elata genis, sic est astricta papillis,
Sic pede, sic oculis, sic operosa comis.
Vtraq; blæsa ferè est, annis crescentibus ambæ,

Nec

Nec magis hæc longa est, nec magis illa fuit.
 Nec pudor aut casti faciunt discrimina mores,
 Ut credas partus unus esse duas.
 Quid mihi nunc prodest quod nos mare separat ingēs?
 Mens bona quod tantis exagitata malis?
 Quid iuuat effigiem teneræ conlasse puella,
 Quam manus in digito leua minore tulit?
 Nū minus hæc præbet tellus, quod amare necesse est?
 Num minus hæc cogunt me simulachra mori?
 Colle sub herbofo (nil te celabimus) ibam,
 Vnde maris virides conspiciuntur aquæ.
 Laurus & umbrose salices & Lotos & Vlmi
 Præcipuè Baccho Lotos amica, virent.
 Illic, sicut erat viridantibus abdita ramis
 In gelida violas mane legebat humo.
 Ut vidi, obstupui penitus, nec lumina flexi,
 Et dominam verè sum ratus esse meam.
 Hunc etiam gestum flores carpentis habebat,
 Sic etiam casu, candida vestis erat.
 Non virides referunt magis vda Sisymbria Menthas,
 Non magis in speculo se videt vlla parem.
 Sed tamen ignotas cur illa veniret in oras?
 Vnde pedem ferret? quòue teneret iter?
 Quinetiam timui, miseram si fata tulissent,
 Mortua ne sensus luderet umbra meos.
 Mox patuit dubiæ incundus imaginis error,

Vocis vt arguta detulit aura sonum.
Fortè sedens patula sua verba canebat in vmbra:
Hæc mihi fecerunt auribus hausta fidem.
Cumq; meos horror subitò percurreret artus,
Frigidus in toto corpore sudor erat.
Ex illo flammis semper discordibus vror,
Excruciatq; recens & rediuiuus amor.
Ergo ferè portum cùm iam mea vela tenerent,
In scopulos facies hæc mihi fecit iter.
Luna quater plenis reparauit cornibus orbem,
Cura nec exanimo defluit illa meo.
Nec libet in patriam quamuis sit amata, reuerti,
Puppe nec in Latium per freta longa vehi.
Durus, & ingenij vaser experientis Vlysses,
Audaci has quondam remige torsit aquas.
Non Ithace tanti, non Neritos ardua tanti,
Penelope tanti sed tamen vna fuit.
Sit mihi spes Domina medijs vel Syrtibus, ausim
Vel Scyllæ scopulis applicuisse ratem.
Ipse traham fortes innixus in ordine remos,
Vinctaq; nauali compede crura geram.
Lentus es? an sentis, nec adhuc misereris amici?
Et mea littoribus verba Renate cadunt?
Adfer opem, quoniam Medicas tibi tradidit artes
Phæbus, & Aonidum te chorus omnis amat.
Non tamen hic vllas morbus desiderat herbas,

Est opus eloquio dulcis amice tuo.
 Nec precor ut contrà solum me diligat illa,
 Dummodo sit penitus non aliena, sat est.
 Ipse velim riguos tantum comes ire per hortos
 Ludere & in viridi, si patiatur, humo.
 Solariq; meos, quos illa resuscitat, ignes,
 Et fessam placido saepe tenere sinu.
 Illius & niueis componere carmen in vlnis:
 Hic ego sum vates, hic mea Musa valet.
 Quod si pauca mihi dederit semel oscula, iuuet
 Dum notum terris nomen amoris erit.

Ad Erhardum Stibarum Eq. F.

ELEGIA XI.

Sol abit è Tauro, iamq; igneus aestuat aër,
 Ut solet athereis dum Leo feruet equis.
 Nam procul à gelida nos terra Lycaonis Arcto
 Sustinet: impatiens ante caloris eram.
 Vix sata nunc humiles equant lactentia sulcos,
 Qua dirimit patriæ Cynthius arua mea.
 At seges hinc passim maturis flauet aristis,
 Vstus & ardenti sole dehiscit ager.
 Frigida nec patulos humectant flumina campos,
 Nec rigat effusus humidus imber aquis.
 Finitimos Lauri montes oleæq; coronant,
 Nulla sed è varis dicitur vmbra comis.

*His quoq; non ventis, non huic assueuimus auræ,
 Semper iners tepido spirat ab axe Notus.
 Vastâq; percurrunt sine nube tonitrua calum,
 Et rapido Titan excoquit igne fretum.
 Hæc mihi narrabant (memini) quæ vera negabam,
 Omnia nunc credo, post modò cantus ero.
 Nec mihi quis toties sedem mutare, nec ultra
 Suaserit ignotis viuere littoribus.
 Quæq; sibi placeat regio: bis munera frugum
 Fertilis hîc magno fœnore soluat humus.
 Fœtibus arboreis sit nulla beatior ora,
 Hos Pallas campos, hæc iuga Bacchus amet.
 Ista iuuent alios, ego nostro gratulor orbi,
 Menus ubi fluuio proluit arua suo.
 Quæq; venit leto vestitos palmitæ colles
 Separat, & curuas deuehit amne rates.
 Menus ab Aurora per pingua culta volutus,
 Illic temperies viribus apta meis.
 Sol licet æstiuos propior superingerat ortus,
 Sicca vel Erigones torreat arua Canis:
 Frondea secreta præbent umbracula syluæ,
 Prataq; muscosis fontibus vda sonant.
 Parturit & flores tellus, fessisq; per herbas,
 Lenis ad irriguas aura medetur aquas.
 O nemus, ô valles gelidæ! quater ille beatus
 Quem sopor argutas opprimit inter aues.*

Non

Non illi venis ardor sitientibus hæret,
Candida nec mutat feruidus ora calor.
Ast ego si quando patriam, si quando reuisam,
Fuscus & ardenti sole perustus ero.
Atq; utinam exhaustos febris non occupet artus,
Nec tener in flammæ corporis humor eat.
Quàm vellem colles tacitus reptare salubres,
Et mea sub viridi rura videre iugo.
Errat diuitias si quis miratur inanes,
Iugera sat culti pauca tenere soli.
Post obitus, miseri cum lux brevis occidit aui,
Pondera nil auri diuitis ampla iuuant.
At si quis Musas paruo contentus, amauit,
Ille vel inuita morte superstes erit.
Tu quoq; quem veterum sanguis commendat auorum,
Despice magnificas, nos imitatus, opes.
Et mecum vmbrosis, quoties sinit æstus, in hortis
Incipe iam Lauri fronde ligare comam.
Et rerum causas & finem quare bonorum,
Pectora quæ dulci mœsta quiete leuant.
Hæc tibi sub Myrtho residens florente canebam,
Vt scires animi vota Stibare mei.
Cetera cura tua est: saluum modò fata remittant,
Lumen eris patria præsidiumq; tuæ.

ELEGIARVM

Ad Carolum Clusium. A.

ELEGIA XII.

Clusi quid viridi cingis mea tempora Lauro?
 Non sunt ingenio mollia fata meo.
 Tu mihi vel Myrti nectas è fronde coronam,
 Vel caput hoc circa qualibet arbor erat.
 Non me Pierides Clusi fecère poetam,
 Pota nec Aonij lucida fontis aqua.
 Sed dolor & lacryma, scuiq; Cupidinis ignes,
 Tristis & ad rigidas sæpè querela fores.
 Ingenium (memini) spernebam carmen & umbram,
 Innocuisq; diu Vatibus hostis eram:
 Vt facerem versus dilectæ cura puella
 Impulit, & studij præmia magna tuli.
 Præmia qua vincunt gemmas & munera Regum,
 Quicquid & in lato nascitur Oceano.
 Ipsa mei pretium vigilati grande laboris,
 Lux mea populeo cinxit honore comam.
 Nunc procul à patria miseri solatia luctus
 Mœsta cano solis carmina littoribus.
 Desine velle meos Lauro redimire capillos:
 Desine, temporibus conuenit illa tuis.
 Ast ego, quòd teneros semper colo mitis amores,
 Serta coronata Myrtea fronte geram.
 Salue arbor, salue Hesperijs celeberrima syluis,
 Frigida quam patriæ non habet ora mea,

Atq;

Atq; utinam velles nostris quoq; crescere ripis,
 Qua secat obliquo Cynthius amne solum.
 Non magis optarim sacras mihi surgere Citros,
 Grata nec arenti punica mala siti.
 Summa petant alij : Myrtum veneramur amantes,
 Si mereor, crines ambiat illa meos.

In Myrtum Clusij.

Quæ Dea ? nata mari, quæ desert germina ? Myrtum.
 Quis chorus hîc ? comites ex Helicone novem.
 Vnde Dea Myrtus ? donavit Clusius illi.
 Cui dabit illa ? tibi, quis dare iussit ? Amor.
 Cur tamen hoc folijs, cur baccis addidit aurum ?
 Articulis Charites composuere suis.
 Salve Myrte novis donum mihi dulce Calendis,
 Instar Apollineæ tu mihi frondis eris.

Ad Hagium.

De lacrymis amantum.

Si crudelis amor lacrymis concederet Hagi,
 Flere tuus vates nocte dieq; velim.
 Quod si nil prosunt, et crescit fletibus ardor,
 Assidue madidas quid iuuat esse genas ?
 Nil certè : tamen ignis aquas, aqua temperat ignes.
 Hinc tristis maneatur fonte perenne liquor.

ELEGIARVM FINIS.

P. LOTICHII SECVNDI

Ad Erasmum Neusteter cognomento

Sturmerum Eq. F.

SARNIS VENATOR.

Iam gelidos vocor in saltus, viridesq; sub umbras

Altorum nemorum, iuuat ire per ania Sylue

Ad liquidos fontes celebrataq; flumina Nymphis:

Et vigili patulos indagine cingere montes.

Tuq; adeo decus Aonidum, domitorq; ferarum,

Et merces iucunda mei Sturmere laboris,

Ingredere aspirans, mecum venabere Damas,

Mecum Capreolos, ramisq; sub arboris altae

Duces securos in molli cespite somnos.

Ipse etiam Cytharam Phœbus quandoq; reponit.

Et pharetras plectris, & mutat plectra pharetris:

Aestus erat mediusq; dies, & fessa per omnes

Captabant valles animalia frigus opacum,

Alituumq; genus, ripaq; amnesq; silebant:

Cum lycidis solis recubans Venator in antris,

Cormiger aerias ubi Cynthia educat Aluos,

Absentem flebat Sarnim, gemitusq; ciebat,

Ad circumstantes euoluens talia Syluas.

Sylue, quæ tenues ramis diffunditis umbras,

Umbræ dulce mihi riguis solâmen in herbis,

Et sacri fontes & amicæ fontibus Auræ,

Sarnis

Sarnis ubi est? quibus infœlix in montibus errat,
 Quas habitat terras Sarnis? quibus exulat oris?
 Rupibus his Corydon & Iole frater Amyntas,
 Phyllidis & veteres iactant Amaryllidis ignes,
 Pastores ambo: nemorum nec poenitet illis.
 Noste Chære puer Solis redeuntis ab ortu
 Solis ad occasum, medioq; vocamus in aestu,
 Nec te poeniteat nemorum: sunt humida nobis
 Antra, fatigatis puras dat Cynthius undas,
 Cynthius umbrosus valles, & frigida Tempe.
 Omnia tecum vnâ fugerunt gaudia nostra,
 Sarni, nec è tereti sine te venabula quercu,
 Nec pharetras gestare libet, cui nostra laborent
 Retia? quis pariles etate lauabit ad amnem
 Capreolos, texetq; nouos per cornua flores?
 Fœlices olim Syluae, quas Sarnis obibat
 Sydere Luciferi primo, dum naribus acres
 Intemerata canes rostris vestigia captant.
 Gaudebant Syluae, gaudebant frondea rura,
 Aurarumq; leues animæ, atq; in montibus umbrae.
 Non illum Zephyris latuit variantibus aër,
 Non oriens Phœbus: sudi prænuncia signa,
 Quidq; vehant Hyades, quid agat Venator Orion
 Nouerat, & tacita per amica silentia noctis
 Tela gerens humeris ibat, dum frigida cœlo
 Sydera conuiuent blandos imitantia somnos:

Ah miser, ignotis nunc errabundus in oris
 Antiquos imo suspirat pectore saltus:
 Saltusq; fluuiosq; & nota cubilia, valles.
 Non mihi te saltem licuit dulcissime rerum
 Affari extremum, suprema nec oscula iunxi,
 Nec mandata dedi, nec, Sarni reuertere, dixi,
 Infœlix: cum tu Lycidam Nymphasq; iuberès
 Esse tui memores, iterumq; uocares,
 Humida declinans ad amatos lumina colles.
 Sarni Vale celsæ responsant undiq; rupes.
 Responsant caua saxa, Vale, Vale optime Sarni.
 Húc puer ô formose, nouas húc explicat umbras
 Populus, & viridi prætexit gramine ripas
 Cynthus, & molles irritat murmure somnos:
 Húc puer ô formose redi: non tempora vitæ
 Longa mea superant, tu nunc eris alter in istis
 Montibus, & manuum inuenies monumēta mearum.
 Ipse tibi sæuo tutas à frigore Myrthos,
 Ipse serò Lauros, & dum serò, crescite dico.
 Fœlix illa dies, qua tu mihi redditus olim.
 Post triste exilium, post duros mille labores,
 Narrabis casusq; tuos, & flumina & urbes,
 Quæq; peregrinis habitent animalia syluis
 In numerum quercus ipse fagiq; loquentes,
 Ipse conualles, ipsa hæc arbuta sonabunt:

Ducite,

Ducite, ut ante, canes pueri, gestate pharetras.
 Sperabant hinc leta sibi connubia Nymphae
 Sarni, tua captae forma & florentibus annis:
 Nunc spes absumpta Nymphis, nunc vallibus imis
 Abruptos luget Dryadum chorus omnis amores.
 Gramina sylvestres sanant Gortynia capras,
 Quas bonus occulta Venator arundine fixit:
 Non desiderium releuant, non gramina curas.
 At tu non iterum nostros miraberis artus
 Care puer, non his fuimus, dum fata tulerunt,
 Indecores ambo syluis: tu prima voluptas
 Tu postrema mihi, meminiq; o Sarni tuorum
 Lustra per haec quondam, memini venerande laborum.
 Ut iaculum hoc ima semel à radice recisum
 Quod solidum nodis olim fortissimis Hagnon
 Quod Lycide nunc dextra gerit, non amplius ullas
 Induet aut frondes, dabit aut venantibus umbras:
 Sic nostro nunquam cedit de pectore Sarnis.
 Sarnis nos dilexit, & ipse est dignus amari.
 Sis memor o longumq; Vale iam dura canentem
 Fata vocant Lycidam, riguis tua dignior etas
 Fontibus, & syluis, & amictis gramine ripis:
 At meus in tennes vaneſcat ſpiritus auras.
 Hæc Lycidas, & surgit, eum comitantur euntem
 Aſterionq; Laconq; canes, & grandibus ora
 Humectant ambo lachrymis: ille undiq; ramis

Ilico

Ilice decisis alta prope flumen amœnum
 Tela sagittiferis suspendit clausa pharetris,
 Et picturatos, quos Sarnis gesserat, arcus
 Subligat, & iacula & pedicæ & tortile cornu.
 Addidit & ritulum Lyeidas: hæc Sarnidis arma.
 Illum etiam Sylva, illum etiam fleuistis arena,
 Herbifer illum etiam te nomine Sarni vocantem
 Cynthus, & gelidis fleuit sub collibus Acis,
 Mæsta reperiussis gemit quoq; rupibus Echo.

P. LOTICHII ET ALIO-
RVM QVORVNDAM
CARMINA.

*

Ad Lauros in hortis suburbanis.

*Lauri quæ rapidos arcetis vallibus æstus,
Tuq; susurranti fons nemoralis aqua.
Vos Lauri saluete mihi, salue optima rerum
Ania frondosis Lympha sub arboribus.
Hic ego dum licuit, curas lenire solebam,
Qua strepit è gelidis vnda voluta iugis.
Hic meus argutas cecinit Venator ad auras,
Dum fleret mæstis Sarnidem arundinibus.
O sopor, ô blanda volucres, ô gramen & herba
Quàm fuit hic animo viuere dulce meo!
Nunc me dilectis auellere cogor ab hortis,
Nec mihi sæua dabunt fata referre pedem.
Este mei memores Lauri, vosq; antra valete,
Et fons, & Musis Vallis amata Vale.*

Ad Renatum Henerum Medicum.

*Si mecum leniter meridiari
Sub Myrto libet aniaq; Loto,
Mi Renate, parum deambulaturo
Rus ad me venias, vt otiosis
Disertos recitet puer libellos*

Bembi,

*Bembi, Flaminij, Actij, Augurelli,
 Vel quodcunq; bonum simillimumq; est.
 Nam quasdam volo colloctiones
 Tecum texere, donec æstuosus
 Frangat se calor: hinc sedens in herbis
 Dulci membra refrigerabis unda,
 Qua Citros rigat, alluitq; Lauros
 Nostris Lympha scaturiens in hortis.
 O iucunda beatitudo vitæ
 Libros inter & optimos amicos,
 Quos iungit bona comitas, & una
 Delectatio rebus ex eisdem:
 Et Musa Veneresq; Transmarina.
 Gaude villula: quàm tuum libenter
 Inuiso nemus? ecquid æstimandum est
 Curis esse beatius solutis?*

Renati Heneri ad Naxiam.

*Dum tecum sedeo, mea vita, impensius vrit
 Cor mihi sæuus Amor triste liquefaciens.
 Hinc animam in lacrymis fundo, sed tu mihi lucem
 Restituis dulci Naxia basiolo.
 Atq; iterũ ore anhelantẽ animam cum basiolo hauris,
 Argutisq; iterum me reuocas oculis.
 At cum discedis, fugit halitus (heu) simul omnis:
 O ego non sælix qui toties pereco.*

Ad

Ad P. Lotichium Secundum N.
Angecelli Romani.

Lumina nunc lacrymis fundit, dolor ignibus adstat,
Vritur & flammis una anima & lacrymis.
Vritur, & liquidis augetur fletibus ignis,
Et crescunt flammis assidue lacrymae.
Pectore nunc etiam nostri pars maxima fugit:
At reliquum dubio statq; caditq; pede.
Et montes meditatur, aquas & gramina campi,
Nympharum & liquido rura resecta gradu.
Mox montes horret, niuibusq; geluq; resectos:
Atq; horret flatu Aeole seu tuos.
Quid iuuat insanos imbres, & frigora dura
Seuq; vesani flamina ferre Noti?
Ipsi nunc campos Satyri liquere feroces,
Nympharum & rapido turba fugata gelu.
Tu solus montes, Lotichi, & flumina trans,
Nec solus longam pergis adire viam.
Vos o syluicola, sylvarum numina, Fauni,
Vos comiti comites nunc praecor este meo.
Cui memorate viae solamina grata molesta,
Vt nostro illius pectore flagret Amor.

Ad

Ad Martinum Stibarum,
In Natalem Saluatoris, Lotichij.

Quote Carmine, qua lyra
Natali procul à solo
Rex sanctissime cælitum
Festo tempore concinam,
Mūdi Christe Redemptor?

Ergo hunc alme puer diem
Sic ducemus in vltimi
Solitudine littoris?
Quo tu natus es, induens
Humanos Deus artus?

Quod possum tamen, & fretum
Et sol aethera metiens
Surgens audiet & cadens,
Nos plausus dare, nos tua
Matris dicere partum.

Martine incipe, nam Dei
Hæc atatula filio
Est gratissima, flos tener,
Flos ortus tener est, cane,
E propagine Iessa.

O dulcissima Veritas:
Tu nos aspice, tu reple
Dulci pectora gaudio,
Et bellum, & lacrymabiles.
Cum fame opprime morbos.

D Ad

Ad Ioachimū Camerarium, Filium
viri clarissimi Ioachimi Ca-
merarij, Erhardi Stibari.

*Sancte puer summi dulcissima cura parentis,
Editus in lucem qui venerandus eras.
Cum tu iucundas vitæ egredereris in oras,
Blanda tibi Aonides ferta tulere Dea.
Et sacra imposita Lauri de fronde corona,
Ad cytharam dulces edocuere modos.
Fœlix cui fauet ille chorus: maturior ævo
Ille suo æternum carmine nomen habet.
Ilius ingenij volitant monumenta per orbem,
Quæ præsens ætas posteritasq; probat.
Ecce ergo optatam cuperem consumere vitam,
Atq; sub incultis antra tenere iugis.
Tu liquidam resides intacti fontis ad undam,
Mollis ubi cultum concitat aura nemo.
Et varias rerum causas & sydera quæris,
Quæq; sequenda homini, quæ fugienda notas.
Interea volucres tenui te gutture mulcent,
Et teneros sacro fundis ab ore modos.
Hæc in te primis quæ semper vidimus annis,
Pectoris indicium grande sagacis erat,
Macte animo, & celsi spatium per ardua montis,
Nos humili satis est ducere valle moram.*

In malum poetam Lotichij.

Salax poeta (penè nomen addidi)
 Nugator efferate, seculi pudor.
 Adhuc ne dentes exeris famelicos
 Et plena febris atq; pestilentia
 Vates siticulose ructas carmina?
 Me me lacesse, me pete, vt remordeam
 Casti pater diserte contubernij.
 An nomen addam? nolo ne superbias.
 Clamabo tantum (pace quod fiat tua)
 O carminum venusta liberalitas.

Ad Gregorium Schetum Medicum
 Lotichij.

Dum nos omnibus exules in oris
 Fidi erramus amiculi, nec ullo
 Sub cœlo requiescimus, molesta
 (Eheu) Schete senectus appropinquat:
 Et languescit, vt icta sole Myrtus
 Blandæ flosculus elegans iuuenta.
 Viuamus semel: otiumq; ruris
 Gustemus, patula sedens in umbra
 Mecum tegmine sub virentis Vlmi
 Cœli carpe salubriores haustus,
 Mox armis fera bella luctuosis

*Hinc nos Lauriferis agent ab hortis
 Trans pigras maris ultimi paludes,
 Istas nunc cythara & ioco atq; viño
 Curas elue: sic laboriosum
 Alterna vice temperemus aium,
 Dum longam properet dies quietem.*

Inferiæ Lotichij.

*Hæc tibi fide Mari posui monumenta Secundus
 Extremum sanctæ pignus amicitia.
 Quandoquidem procul à patria florentibus annis
 Funere te sauo mersit acerba dies.
 Ossa iacent tumulo: victuri gloria restat
 Nominis, ad superos mens pia fecit iter.
 Salve pars animæ nuper dulcissima nostræ,
 Gaude & perpetuum rursus aue atq; Vale.*

D. M.

D. IACOBO MARIO GERMANO PIETATIS ET INGENII LAUDIBVS INSIGNI AMICO INCOMPARABILI. P. LOTICHIVS POSS. B. M.

Expiravit in amicorum manibus x v. Calend.

Nouemb. Anno salutis c c c c c.

ac 11. & 1. supra mille.

FINIS.

Errata sic corrigito.

*Pagina 3. Linea 16. lege artium. 7. 10. hunc. 9. 25
libellos. 15. 21. Casare. 16. 18. repetens. 20. 1. nouissi
ma. ead. 19. cum. 27. æquoreos. 35. 26. decidit. 89. 8
post mari periodus ponatur. 42. vlr. ipse.*

2 1069
32

99 558870

Post mortem peritum moriturus. 18. 10. 18.





MC

